



Ughuquyatigut Taaksitigut Ikayuutit (Anguniaqtunun, anguniaqtiyunun, aquinikkut aulapkaiyut uvalu hanaugaghaqhiuqtut)

NAUNAIYAUTIT

Una ikayuut tunihiyuq ughuquyatigut taaksiitigut utigutininik attautinun inungnun gaasiliinik urhuquyaniklu atuqtauyut aghaluutini havaktut apqutailgumi hulilukaaqtunun, taimaitunik anguniarnikkut, iqalukhiuqtunik, nanigiaqtuqtunik, anguyukharnik munagiyunik, pulaagiaqaqtuqtunik, uyaraqhiuliqiyuniklu. Hapkua aghaluutit ilauyut sikiituut, haatat, qainat, motorsaikunik uvalu aala aghaluutit laisiquaqtut aghaluutit. Pinahuagiami haffuminga utigutmik, ughuquyuaq niuviqtauyagiiqhimayukhaq Nunavunmi uvalu taaksiqaqluni ataani hapkua *Ughuquyualiqaqnikkut Taaksiitigut Maligaq*. Taaksit akiliqtauyut ughuquyanun inmi atuqtaghaminik uvaluuniin ulapqinikkut atuqtauyut pipkaqtaulimaitut utigutmik.

PIYAAQTUT UTIGUTINIK KATIMAYUT

Hapkua attautit piyaaqtut ughuquyatigut taaksiinik utigutininik:

Anguniaqtut

Inuk anguniaqnikkut hulilukaaqtuq tapkua ilauyut iqalukhiuqniq, agnuniaqniq, nanigiaqtuqtuq uvalu katimadjutini.

Aulaaqtitiyi

Inuk kitup nanminia laisiquaqtuq ataani *Nunavunmi Uumayuliqaqnikkut Maligaani* uvaluuniin *Aulaaqnikkut uvalu Aquinikkut Maligaq*, uvalu tunihiyuq aulaaqtitininikkut kivgaqtuutininik uvalu hulilukaagutikhainik aulaaqtitaminik tapkua katulaaktut kivgaqtuutininik.

Aquinikkut aulapkaiyi

Inuk kitup nanminia laisiquaqtuq ataani *Aquihimayunik Aulaaqtittiyit Maliguagakhait* piliuqhimayuuq kitumi ataani *Aulaaqnikkut uvalu Aquinikkut Maligaq* uvaluuniim *Nunavunmi Uumayuliqaqnikkut Maligaq*, uvalu tunihiyuq aqinikkut kivgaqtuqniqmik uvalu hulilukaagutikhainik aulaaqtitamingnik katulaaktigut kivgaqtuutit.

Hanaugaghaqhiuqtut

Inuk kitu algaktuq uyaqqanik hanagahanik, piqangitkaluaqhuni inuk akiliqtugahaqangituq ataani *Aviktuqhimayuni Algaknikkut Maligat*, piliuqhimayuuq ataani *Aviktuqhimayut Nunatigut Maligaq (Kanata)*.

Ilauyut ihuaqhaqtauhimayunun anguniaqniaqmik uvaluuniin anguniaqtitiyut
Inuk kitu uvaluuniin ikitut tapkua ilauyut nunallaani ihuaqhaqtauhimayut
anguniaqnikkut uvaluuniin nanminiqaqtut ihuaqhaqtauhimayut anguniaqtitiyut.

UTIGUTIKKUT HAVAUHIA

Uuktuqtut ataani uuma ikayuutanik iniqtiqtaghait Titirqat FTR-HTQ (Uuktuutit haffumunga ughuqyuatigut Taaksiinik Utigutit) attautinun niuvgutikkut naunaitkutit iliugaqtauyumun.

Iniqqat titirqaq, uuktuqtut piyukhat:

- Atiliuqlugu uqagiiyaut naunaiyaqhimayuq ughuqyuaq atuqtauyuuq piyaaqnikkut hulidjutinun.
- Apigilugit anguhiqiyiit havaktiit uvaluuniin Anguniaqtit Katimayiit havaktiit naunaiqtitlugit itquumadjutait titirqat.
- Ilaliutilugu inmi ughuqyuatigut naunaitkutit titirqanun.
- Aulaqtitlugit iniiqhimayut titirqat hapkununga Havakvianun Kiinauyaliqiyiit havaktauyaangani. Uuktuqtut apiqhiyaaqtut utigutinik tigigaikpat siksit tatqiqhiutit.

Ughuqyuatigut naunaitkutit tapkua avatqutut attauhiqmik ukiumik aulaqtitiniitigut qingiyauniaqtut.

Maniliuqhimayuq tuyuqtauniaqtuuq uuktuqtumun naunaitkutaitlu, utiqtuq akitutqiyaukpat \$10.00 taalamin.

Uuktuqtut apigiyayut ilaliutilugit ihuaqtut hivayaqnikkut kangiqhidjutit uuktuutikkut titirqani, ihagiahukniaqqata Havakviat Kiinauyaliqiyiit kangiqhidjutinik. Ihuangitugit kangiqhidjutit pidjutiqaqniaqtut tuuliigutaulutik havauhiini uuktuutingni uvaluuniin tuyuqtauniatigut utigutikkut maniliuqhimayuq.

NUTAAT UGHUQYUATIGUT TAAKSIITIGUT UTIGUTIT

Nunavunmi	Taaksia attauhiq (Litre aktilaanga)
Nunaa B kaasiliq	6.4¢
Aghaluutiqyuanun ughuqyuaq	9.1¢
Ughuqyuaq aghaluutaungitunun	3.1¢

TITIRQAT UVALU IKAYUUTIKKUT TITIRQAT

Uuktuqtut kitut tuniyayut ughuqyuatigut utigutinik piyakhalgit pihimalugit iniqtiqhimayut uvalu ihuaqtut niuviqnikkut naunaitkutit, uvalu tamaita titirqat pihimayut ughuqyuatigut utigutikkut tughiutit. Uuktuqtut munahiyukhat titirqamingnik ikayuutikhanik utigutikkut uvalu apqutailgumi ughuqyuamik atuqniqnik. Naunaitkutit

uvalu titirqat pihimayuyukhat hitamanik ukiunik nungutpat ukiuq kitut utigutaatigut akiliqtaunianin.

IHUITUMIK ATUQNIQ UGHUQYUATIGUT TAAKSIINUN UTIGUTIT

- Ughuqyuaq agyaqtauqpat aviktuqhimayunun, una niuvaadjutit uniudjuqtauyukhat hapkununga Havakvianun Kiinauyaliqiyiit uvalu piyaaqtut taaksit akiliqtauyaangini tuuliiqhimatumik. Una ughuqyuaq piyaagutiqaqniaqtuq ughuqyuatigut utigutmik atuqtauqpat piyaaniinun hulidjutit.
- Aktilaanga ughuqyuap niuviqtauhimayuq agniyumik angivalaaqqat kingunganin atuqtauyunin, Havakviat Kiinauyaliqiyiit apighuqniaqtaat uuktuqtuq tunihiluni naunaiyautinik akituqniatigut atuqniit. Piyaaqqat kihimi qaguginiitigut naunaiyautait tuniyaukpata, uuktuqtuq qingiyauniaqtuq, uvalu akiliqtaulimaituq.
- Utigutikkut uuktuut ughuqyuamun pihimakpat atuqtauhimayuq piyaulimaitumun hulidjutinun, uuktuqtuq hivituyumik piyaulimaituq hamanga ughuqyuatigut taaksiinun utigutikkut ikayuutinun.

IHIVGIUGUTIT UUKTUQTUNUN

Pitinagit Havakviat Kiinauyaliqiyiit akiliqlugu ughuqyuatigut utigutit, ihuaqtmik pihimayukhaq uuktuut ihuaqqat. Tamaita uuktuutit ihivgiuqtauniaqtut uvalu naunaiyaqtaulutiik, uvalu ilaliutihimayunik kangiqhidjutinik apiqhuutiqaqniaqtut. Havakviat Kiinauyaliqiyiit ihuaqhainiaqtut, tukhiutit tunihiffaaqlutik uvaluuniin qingilugit tamaita uvaluuniin ilangat tukhiut.

Hivayaqtaaqtaait Havakviat Kiinauyaliqiyiit uvani hivayautaata napaat tuniyauhimayuq ataani uuktuutit titirgani. Aikhiqlutitluuniin titirqamik nunangni haamlat uvaluuniin Anguhiqiyiit havakviani, uvaluuniin iliugaqlugu uvani www.gov.nu.ca/in/finance/information/ughuqyuat-taasikkut-utirutikkut-pinahuaruti. Uuktuutit uvalu ikayuutikhat titirqat tuyuqtauyukhat titiraqaqvikkut haffumunga nayugaanun tuniyauyuq ataani.

Titiraqaqvikkut
Ughuqyuatigut Taaksitigut Ikayuutit
Taaksitigut Havakviat
Kiinauyaliqiyikkut Havakvia
Titiraqarvinga. Qiuqutaa 2260
Iqaluit, Nunavut
X0A 0H0

Qaritauyakkut: petroleumtax@gov.nu.ca

Hivayautaa: 1-800-316-3324

Kayumiktukkut: 1-867-975-5845

Iliugaqlugit titirqat uvani www.gov.nu.ca/in/finance/information/uqhuqyuat-taasikkut-utirutikkut-pinahuaruti.